

1591

*Navigia
frumentis
onusta Ve-
netiarum
inopiam le-
vant.*

tum ab occidente frumento onustis navigiis confluentibus ; inter quæ nonnulla ex Cedano ac Britannia perpetuo navigatio- nis cursu, nulla regionis locorumque notitia, præter eam, quæ ex nauticis tabulis atque astrolabiis peti poterat, immen- so fere maris spatio peragrato, nunquam portu capto, in Adriaticum sinum pervenere ; in intimumque ejus recessum delata, ignota illis æstuaria invenere. Neque Turcarum sub- sidia desiderata sunt, qui ex amplissimis eorum regionibus frumenti vim in nostra loca conveyi non vetuere ; Hierony- mo Lippomano, Reipublicæ legato, procurante, ut ex insu- lis, litoribusque propinquis locis frumenta nostris avehi li- ceret : quibus urbi non modo, sed cunctis Reipublicæ di- tionibus consultum. Ea omnia in egenos publica ac privata liberalitas cumulavit, cum patricii, cives, ac negotiatores, quisque in suis vicis infimæ plebis inopes alerent. His per- moti Patres annonæ frumentariæ præfectos quantam maximam possent frumenti vim in publica horrea congerere Senatus con- sulto jussere ; atque ut in posterum publicæ affluentiae consu- leretur, sexaginta sextarium millia seponi ad extremos inopiæ casus decretum ; octoginta millia in promptu esse, quæ in ci- vilitatis classisque alendæ usum suppeditata, continuatis tem- poribus renovarentur. Tantumque obnixum Senatus studium, tantum magistratuum obstinata industria potuit, ut civitas adeo populo referta a peregrinis, qui ex omnibus orbis partibus in eam conflunt, frequentata, absque agris, arido solo, nihil proferre apto, annona omniumque rerum, quæ victui humano necessaria sunt, non modo abundet, sed ad delitias ipsas ac satietatem usque superfluat.

*Senatus
decretum
de frumen-
tis ad ino-
piam in po-
sterum le-
vandam se-
ponendis.*

In hujus anni eventuum varietate merito quis Hieronymi Lippomani equitis casum adnumeraverit, qui ex altissimo di- gnitatis gradu, urbanis magistratibus, atque apud cunctos fere Europæ Principes legationibus conspicuus, momento dejectus, exemplum præbuit, quam fluxa atque ambigua sine vitæ in- tegritate animique puritate civibus patriæ decora sint. Id uti acciderit, brevi complectar. Ex prisco Venetorum insti- tuto ac legibus, terni singulis annis cives in Decemvirum collegio Quæsitores, ex Decemviris ipsis eliguntur, quorum munus est, sedulo curare, ut Senatus decreta & consilia si-

*Hieronymi
Lippomani
perduellio-
nis crimen
patefactum*

len-